

# Statuts dil Forum cultural Tujetsch

## I. Determinaziuns generalas

### Num e sedia

Artechel 1:

Sut il num „Forum cultural Tujetsch“ vegn ei

fundau in' uniun cun la sedia en Tujetsch. L' uniun ei confessiunalmein e politicamein neutrala.

### Intent

Artechel 2:

L' uniun ha igl intent primar da promover tuttas spartas e stentas culturalas en vischnaunca.

Las activitads san cumpigliar las suandontas tematicas:

- a) Tgira dil lungatg romontsch (dialect da Tujetsch, cuors, bibliotecas, seras litteraras, prelecziuns, documentaziuns, ediziuns dad ovras, reclamas, etc.)
- b) Historia locala (historia, architectura, geologia, fatscha dil vitg, documentaziun davart Tujetsch, etc.)
- c) Cant e musica
- d) Exposiziuns e produczziuns (fotografias, teater, art, film, dias, hobbies, referats, presentaziuns, etc.)
- e) Isonzas e folclora (museum local, usits, etc.)
- f) Lavurs manualas (filar, teisser, formar, entagliar etc. )
- g) Restauraziuns, sanaziuns e manteniment (fuorns, tegias d'alp, parts da vias veglias, casas e baghetgs, cussegliaziun da privats etc.)
- h) Excursiuns culturhistoricas ( cavar fier, caltschina, baselgias e capluttas, historia en general, nums locals, fauna e flora, geografia, geologia etc.)
- i) Natira (cuntrada, botanica, collecziuns, manteniment da bellezias ed atgnadads dalla natira, etc.) Entras publicaziuns egl organ official empruar da promover in bien spért per ils fatgs culturals, sensibilisar il pievel e tgirar nies reh scazi cultural tuatschin.

## II. Commembradi

### Commembers/ras

Artechel 3:

Commembers/ras activs/as

Commember/ra activ/a sa mintga persuna naturala e giuridica daventar che ha interess pils fatgs culturals dalla vischnaunca da Tujetsch.

Artechel 4:

Commembers/ras passivs/as

Commembers/ras passivs/as ein personas naturalas e giuridicas che sustegnan l'uniun finanziyalmein. Els han negin dretg da vuschar ed ein era buca eligibels.

## III. Organisaziun

### Organs

Artechel 5:

Ils organs dalla uniun ein:

- a) la radunonza generala
- b) la suprastonza
- c) il revisur da quen

### La radunonza

Artechel 6:

La radunonza generala ei il pli ault organ dall'uniun. Ella vegn convocada dalla suprastonza ni dad 1/5 dils commembers cun dretg da vuschar. La convocaziun sto vegnir fatga sil pli tard diesch dis avon termin cun indicaziun dallas tractandas.

Ella vegn tenuta mintga dus onns e s'occupescha da suandontas fatschentas:

- a) Elecziun dalla suprastonza e dil revisur da quen per il cuoz da dus onns.
- b) Ella approsescha il protocol, il rapport annual, il quen annual da mintga onn, il preventiv ed il program da lavur
- c) Ella fixescha la contribuziun annuala

d) Revisiun dallas statutas

Decisiuns vegnan pridas cugl absolut pli dallas vuschs dils votants. Tier elecziuns vala medemamein igl absolut pli.

### **La suprastonza**

Artechel 7:

La suprastonza secumpona da treis commembers. Ella seconstituescha sesezza e secumpona dil president, cassier ed actuar. La suprastonza liquidescha las fatschentas currentas. Il president representa l' uniun e tgamuna las radunonzas e sedutas. Igl actuar substituescha il president e scriva ils protocols dallas radunonzas e sesidas. Il cassier meina il quen ed incassescha las contribuziuns.

### **Il revisur**

Artechel 8:

Il revisur da quen reveda il quen annual e la facultad dall'uniun e dat rapport a scret leusura per mauns dalla radunonza generala.

### **IV. Finanziaziun**

#### **Contribuziuns**

Artechel 9:

Il commembers/ras activs/as pagan ina contribuziun annuala fixada dalla radunonza generala. Il commembers/ras passivs/as e donaturs sustegnan l' uniun cun ina contribuziun libra.

### **V. Determinaziuns finalas**

#### **Midadas**

Artechel 10:

Ina revisiun parziala ni totala dallas statutas sa vegnir fatga sin proposta dalla suprastonza ni dad 1/5 dils commembers. Per quei intent drova ei 2/3 dallas vuschs dils presents.

#### **Soluziun**

La soluziun dalla uniun sa mo la radunonza generala cun 2/3 dils commembers decider. Ina eventuala facultad duei vegnir impundida en favur dalla cultura en Tujetsch.

#### **Vigur**

Artechel 11:

Quellas statutas vegnan messas en vigur cun la fundaziun dil Forum cultural Tujetsch, ils 16 da matg 1997.

Tujetsch, ils 16 da matg 1997

Il president:  
André Schmid

Igl actuar:  
Bruno Berther

### **Revisiun**

Igl artechel 6 ei vegnius revedius a caschun dalla radunonza generala dils 6 da fevrer 2026.

Tujetsch, ils 6 da fevrer 2026

Il president:  
André Schmid

Igl actuar:  
Tarcisi Hendry

